

ad nos venturas; sed postea in locum navium litteræ
 194 allatæ sunt, significantes non potuisse illas mitti sine
 expresso charissimi in Christo filii nostri regis Chri-
 stianissimi assensu. Quid dicemus de triremibus et
 galeone Ecclesiæ, nec non de illis dicti electi Impe-
 ratoris, quæ Neapoli et Siciliæ deserviuntur, quas
 ipsemet Imperator electus non semel scripsit se ius-
 sisse illico ad nos deduci, ut reputaremus nos illas
 et alteras Ecclesiæ ac nostras quasi in manibus iam
 tenere? Ad hæc accessit, quod ex illis ipsis navibus,
 quas, spe nostra in omnibus supradictis delusi, no-
 bis hinc inde in portubus Hispaniæ provideramus,
 paucae vel potius nullæ nobis remansuræ erant
 propter traiectionem dicti Imperatoris electi, simul
 fere cum nostra concurrentem, nisi ipse filiali sua
 erga nos pietate nobis bonum earum numerum re-
 liquisset, quæ eius mandato defentæ sunt, ac iussæ
 nobis potius quam Suae Maiestati inservire. Cui præ-
 ter alia ingentia merita, etiam hanc gratiam Sedes
 Apostolica non parvam debet. Ecce igitur difficul-
 tates, quæ nobis in profectionis nostræ molimine et
 in conquirendis tam eommentibus propter penuriam
 huius anni, quam navigiis propter causas quas dixi-
 mus, omni ex parte contigerunt. Neque enim absque
 iusta classe nos mari committere consilium fuit, ne
 si forte aliquid sinistri nobis accideret, quod tum
 ex communi omnium iudicio, tum ex prudentibus
 circumspeditionum vestrarum litteris et providere
 et precavere monemur, dum præsentibus malis stu-
 demus occurrere, in graviora (quod Deus avertat)
 incidamus. Sed placuit Deo, ut tam nostra summa
 diligentia quam memoriali Imperatoris et quorun-
 194 dam hic magnatum ac potentum spe, obstacula quæ
 nos hucusque remorata sunt prope omnino supera-
 verimus, nec quicquam obstiturum speremus quum
 in portum venerimus, quod (Deo adiuvante) brevi-
 sime venturum est, quo minus illico possimus vela
 ventis dare. Ad quod unum utpote ad id quod pe-
 tori nostro potissimum insideat, singulis horis om-
 nes diligentiae atque industriæ nostræ nervos inten-
 dimus. Interea circumspeditiones vestras maximo
 hortamur affectu, et in Domino rogamus, ut memo-
 res dignitatis et officii sui, prout veros ecclesiæ car-
 dines decet, concordibus ipse primum inter se
 animis, Urbis et universæ ditionis nostræ paci et
 tranquillati pro virili studeant, sicuti litteris suis se
 facturæ pollicentur. Militum conscriptionem, de qua
 ad nos fama pervenit, nisi quatenus nostris et Ec-
 clesiæ rebus necessaria sit, in terris nostris fieri
 prohibeant; populos nostros suâ dexteritate et solita
 prudentia refrenent, et ad unitatem charitatemque

I Diarii di M. SANUTO. — Tom. XXXIII.

atrahant, et denique absentiam hanc nostram, quæ,
 Deo dante, brevior quam credi possit futura est,
 quandoquidem non voluntaria sit sed necessaria,
 æquo animo ferant proque compertissimo habeant,
 nos ob dignitatem Sanctæ Sedis et Catholicæ Eccle-
 siæ, cui nos licet indignos Divina Providentia per
 vestram electionem præfecit, hanc vitam ubique qui-
 dem et semper exponere paratos. Sed nunc omnes
 cogitationes nostras ad hunc quasi scopum dirigere,
 ut iucundissimo et optatissimo sponsæ nostræ et
 circumspeditionum vestrarum aspectu citissime per-
 fruamur, quo, secundum possumus et afflictis rebus
 cum Dei adiutorio vestroque consilio succurrere et 195
 circumspeditionibus vestris, tum ob istam unanimem
 nostri electionem, tum ob res in nostra absentia
 bene gubernatas, si non pro meritis, saltem pro
 virili nostra gratias coram referre. Reliqua quæ
 scribenda erant, dilectus filius Vuilhelmus de En-
 kenvoirt notarius et procurator noster, cui prolixè
 scribimus, circumspeditionibus vestris plenius refe-
 ret. Cui eandem quam nobis habituræ essent, fidem
 adhiberi cupimus.

Datum Cæsaraugustæ sub annulo piscatoris, die
 XIX Maii MDXXII. suscepti a nobis apostolatus
 officii anno primo.

*Breve Hadriani VI, in Pontificem electi, ad 196^o
 Senatum Populumque Romanorum.*

*Copia Brevis Sanctissimi Domini Nostri ad 196^o
 Senatum populumque Romanum.*

Hadrianus Papa sextus, dilecti filii salutem et
 apostolicam benedictionem.

Mirabimini, nec immerito, quod cum alias ad
 quintam Maii scripserimus Nos intra paucissimos
 dies iter Barchinonam versus arrepturos, nondum
 ex hac civitate discesserimus. Credimus enim vobis
 tam ardens esse desiderium adventus nostri, quam
 nobis est conspectus almae Urbis et nobilissimi po-
 puli nostri romani, quo nullum certe sub sole ma-
 ius esse potest. Sed mirari desinetis ubi causas mo-
 ræ nostræ intellexeritis. Iam sarcinas nostras navi-
 geo versus portum præmiseramus, eramusque ad
 iter prorsus accincti, cum nobis certa fide nuntiatur
 et Barchinonam quo eundum erat, et Illerdam qua
 transeundum erat, peste non modica laborare. Quo
 nuntio, vehementer, ut par erat, turbati, mutandum
 habuimus propositum, et iter nostrum versus alium

(1) La carta 195^o è bianca.